



**Ivsti Baronii Veteracastrensis SS. Th. Et I. V. D.
III[ustrissi]mo Arch[iepisco]po Moguntino à Consilijs.
Epistolarvm Sacrarvm Ad Pontificem Max. Et Amplissimos
Cardinales &c. Libri VI**

Baronius, Justus

Mogvntiae, 1605

Epistola IV. Ivstvs Baronivs Veteracastrensis Friderico Hvsmanno A
Namedei, Nobill[issi]mo Viro S. P. D.

[urn:nbn:de:hbz:466:1-70614](https://nbn-resolving.de/urn:nbn:de:hbz:466:1-70614)

orum impedimentorum sentes humaniori aliquantum falce auerruncet.

De rebus meis gaudeo memorem fore optimum Mœcenatem. De *Friderico Husmanno*, scribet ipse breui ad vos, totamque rerum suarum seriem quasi in tabula de pinget. Interea tu vale *III^{me} Dⁿⁱc* meq; nominis tui obseruantissimum tuo Patrocinio nunquam destitue. Mogunt. Prid. Calend. Martij. M. DCIV.

EPISTOLA IV.

IVSTVS BARONIVS VETE-
racastrensis

FRIDERICO HVSMANNO A-

Namedei, Nobill^{mo} Viro

S.P.D.

ALIO VANTVM mœroris, sed plus gau-
dij mihi attulerūt litteræ tuę, *Nobilissime Friderice*. Mœrorē incusſit iniquissima
illa quorundam hominum aduersus caput
tuum machinatio, nulla vel minima iustitia
aut iustitiæ specie suffulta, sed omni ex par-
te liuore, odio atq; insatiabili vindictæ cu-
piditate redundans: ut quid magis doleam,
crassissimam hominum cæcitatem, an astu-
tissimam malitiam, planè mecum non dis-
cernam. Cæcitas est, aduersus innocentissi-
mum virum consurgere, atque eius famam
lace-

lacerare, animum criminari, salutem conculcare. Malitia, æquissimas defensiones respuere, responsa cauillari, falsissima crimina comminisci, atque identidem in capite condemnationis collocare. Sed quid agas? hæreticorum priscus iste mos, ut nulla in re sibi magis satagendum, magis vigilandum actu multuandum censeant, quam in persecutione eorum, qui abiectis magistrorum suorum nugis vni constanti Catholice Ecclesiæ magisterio se subijciunt, atque è dispersione ad domum paternam *S. Petri* redeunt. Sic Iudæi *S. Paulum*, Manichæi *S. Augustinum*, Pelagiani *Leporium*, Lutherani *Staphylum*, *Wicelium*, *Pistorium*, aliosq; quam plurimos sectæ suæ prudentissimos desertores tractarunt, ut nos qui recenter eorum vestigijs insistim⁹, meliorem nobis optare fortunam nec debeamus, nec possimus. Sapienter itaq; tu quidem (quod magna vicissim me voluptate perfudit) furbundos hominum conatus & patientia toleras, & prudentia declinas. Sic enim ex præcepto Domini ^a animi nobis in patientia possidendi, ^b serpentina prudentia induenda, ^c persecutiones in magna felicitatis parte ponendæ, ac deniq; gratiæ agenda Deo, qui in præteriorum delictorum vindictam momentaneas seculi huius perpessiones imponere nobis dignatur, quas ^d S. Paulus,

^a *Luc. 21.19.*^b *Matth. 10.*^{16.}^c *Matth. 5.*^{10.}^d *Ad. 5. 41.*^d *Rom. 8. 18.*

nulla

nulllo modo condignas esse ait gloria venturiae-
ni, quæ ruerelabitur in nobis. Sed nolo nunc
latissimum hunc consolandi campum in-
gredi, qui te ipsum satis ad tam bruta hosti-
um tela perforanda & superanda animatum
esse video. Ad litteras potius tuas redeo,
quibus quod in ipso statim vestibulo tan-
tam amoris vim & copiam profundis, vt nō
in numero tantum, sed capite quoq; vero-
rum amicorum me vnum collocandum
censeas, agnosco equidem magnæ cuiusdā
tuæ in me benevolentia documentum, sed
cui ego vix ex voto respondere queā. Etsi
enim in amore tui & cultu nemini eorum
concedam, quibus te amicissimum nosti,
tamen profecto isto, quo me dignaris loco,
non solum me indignum, verum etiam im-
parem esset profiteor. Quid enim penes me
est, ex quo nobilissimo & amplissimo viro
dignum aliquod commodum emolumen-
tumque protulire queat? Sanè litteras ad
Ill^mos Cardinales libens volensque scripsi,
quisq; eorum animus erga te & omnes no-
stri ordinis sit, verbis eoruDEM intelligere
te volui. Sed quod inde expectandum sub-
sidium, eorum fuit, non meum. Nunc iesce-
go solum atque interpres necessitatistuæ:
qui si huiusmodi officio fructum aliquem
videar rebus tuis allaturus, velim iubeas
non roges, mandes non obsecres. Suadeam
vero

verò ipse primo quoq; tempore ad urbem
scribas, collaudataque summorum in te
principum voluntate, si qua in re tibi usui
esse posse existimes, libere ab eis petas. Nō
denegabunt tibi officium suum: ita ardent
conuersorū amore, ita in eis ornandis nun-
quam sibi satisfacere queunt.

De ceteris rebus scribam breui certiora.
De præsenti studioſo, quem mihi commē-
das, dignum eum iudico bonorum virorū
gratia & fauore. Sed certè hic nullus iuuā-
di eius locus. Intelligo potius apud te gra-
tiosum esse cupere. Cui si quid mea com-
mendatio afferre adiumenti potest, en de
manu in manum tibi eum trado, vtq; eum
omnibus rebus iuues atq; ornes, oro. Pro-
felytus & ipse est, purus ex impuro, Catho-
licus ex hæretico, quæ illi pietas merito de-
cori adiumentoque esse debet. Vale Nobis-
lissime Vir, teq; serio à me amari atq; co-
li scito. Mogunt. 6. Idus Febru-
ar. M. DCIV.

Z EPI.